

15


CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

NOV 22 1932

~~5421/83~~

T 5403/83





太師誠意伯劉文成公集卷之十四

四
佛
書
藏
和

芝田令新陽後學萬里續梓齋孫標男宗

編
甲

七言古詩

爲祝彥中題山水圖

高軒玲瓏不受暑半幅輕綃宿烟雨白屋素壁生空明似聞
水聲繞庭宇松髯拂天藤蔓垂枯根瘦石相因依寒濤不驚
虎兇臥嵐翠欲與蛟虬飛空江悠悠一漁艇渚白沙明萬魚
靜武陵桃花何處尋落日微風片帆影

徐資深華山圖

華嶽插天七千丈丹崖翠壁開仙掌壁間擘出黃河流大禹

以之分九州河流袞袞赴溟漲華嶽拔出天河上雲宮霧窟
疑本無石室金臺儼相向玉泉高通玉井津中有遊實如車
輪世人肉食未羽化可望不得聊相親高堂晚晴圖画展眼
明一見心自遠世間塵土今紛紛吾當拂衣臥山雲

永康胡元鼎白雲樓

少年辭家往京國蓬根一斷無消息有時長想白雲飛江海
茫茫淚霑臆歸來拜母悲且喜悔作他鄉遠遊子卻起高樓
對白雲綵服翩翩足甘旨昔時望雲煎百慮今日看雲美無
度卻憶天涯望雲日平生心事從此畢

贈醫士黃元之

先生軒轅之子孫手提萬物生死根神功微妙不可狀能使
元氣回遊魂篋中汞芽抽粟粒丹光照耀三彭泣銜珠不受
修蛇報采藥常令白猿拾結廬幾歲吳山阿赤松玄俗時相
過更向蓬萊下神水併與人世清煩痾

中峰永先和尚醉墨圖

老先行脚遍天下五湖七澤胷中吞淋漓醉墨落人世恍惚
目擊瀟湘存蒼梧飛龍去不還洞庭赤沙流水渾九疑竹枝
餘淚痕灑蘭沅芷化蕭艾古木兩炫寒烟昏雲帆縹緲向何
處波浪瀕洞驕魚鼉我生胡爲羈旅間感時覩物生愁怨還
君此画歌一曲悲風慘淡來崑崙

詩意集
夜聽張道士彈琴

道士字君度

白澗含光月照席梅花入簷珠的皪
蓋宮道士彈七弦明星在樹霜滿天
鏘如暗泉發幽竇悄若空山叫哀狝
霧雨寒吹松栢響波濤怒激蛟龍鬪
神奔鬼怪入杳冥鸞孤鶴寡風泠泠
湘娥宵攀竹枝泣紫鳳曉啄梧桐鳴
悽悽欲斷還復續啼鶯一聲春草綠
砉然清商行素秋落葉灑地蟲啾啾
擁衾聽之消百慮夢逐行雲自來去
九疑連天洞庭遠海闊烟深不知處
葦宮道士聽我語世無子期誰識女
桑間濮上方施行白雪陽春棄如土

辛卯仲冬雨中作二首

凡城積陰愁玄冬千家萬家雲水中
烏啼黃昏鴈叫夜鼓角慘澹愁悲風
青燈無光掩關坐飢鼠相銜啼過我
讀罷殘書有所思凍雨霏霏淚交墮
歲云暮矣風蕭蕭木葉脫落惟空條
雲濃雨細白日短慘慘不辨昏與朝
雨中行人足斛觶去與公家製戎服
中原豺虎正橫戈天寒風急奈爾何

悲杭城

觀音渡頭天狗落北關門外塵沙惡
健兒披髮走如風女哭男啼撼城郭
憶昔江南十五州錢塘富庶稱第一
高門四戟擁雄藩豔舞清歌樂終日
割豔進酒皆俊郎呵叱閑人氣驕

謫意仙文集
逸一朝奔迸各西東玉竿金杯散蓬華清都太微天聽高虎
峇龍韜緘石室長夜風吹血腥入吳山浙河慘蕭瑟城上陣
雲凝不飛獨客無聲淚交溢

夏夜台州城中作

江上火雲蒸熱風欲雨不雨天普普良田半作龜兆拆杭稻
日夕成蒿蓬去年海賊殺元帥黎民星散劫火紅耕牛剝皮
作戰具鋤犁化盡刃劒鋒農夫有田不得種白日慘淡蘅茅
空將軍虎毛深王帳野哭不入轅門中健兒鬪死烏自食何
人幕下矜奇功今年大軍蕩淮甸分命上宰麾元戎舞干再
見有苗格山川鬼神當効忠胡爲旱魃還肆虐坐令毒沴傷

和冲傳聞逆黨尚攻剽所過丘壠皆成童闔司恐畏破和議
斥埃悉罷雲邊烽殺降共說有大禁無人更敢彎弧弓山中
悲啼海中笑蜃氣繞日生長虹古時東海辟孝婦草木枯瘁
連三冬六月降霜良有以天公未必長精聾只今幅員廣無
外東至日出西太蒙一民一物吾肺腑仁者自是哀鰥悃養
柔殪鳳天所厭誰能抗疏回宸衷夜涼木末掛河漢海嶠月
出光玲瓏仰視皇天轉北斗嗚呼愁歎何時終

老病歎

我身衰朽百病加年未六十眼已花筋牽肉顫骨髓竭膚糜
剝錯瘡與癩人皆愛我饋我藥暫止信宿還萌芽肺肝上氣

誠意仙文集
若潮湧舊劑再歎猶淋沙有眼不視非我目有齒不齧非我
牙三黃苦心徒自療五毒滄胃空矛戈因思造物生我日修
短已定無舛差玷瓚不能使之少盧秦焉能使之加攻犀豎
朽各有分鳧悲鶴悼何繆耶不如閉戶謝客去有酒且飲辭
誼譁

題松下道士携琴圖

道士抱琴松下行松風入耳清凉生石梁苔滑不可上潭水
泠泠學琴響琴有意兮水無心水中有龍能聽琴琴聲凄斷
水流咽月滿空山落松雪

錢王箭頭篇

鳴夷遺魂拘餘怒欲取吳山入江去雷霆劈地水羣飛海門
扶脊沒氛霧英雄一怒天可回肯使赤子隨鮫鮓指揮五丁
發神弩鬼物辟易腥風開三百年來人事改濤落沙平箭空
在石梁飲羽未足誇蜀國三犀漫欺給近聞黃河水亂流青
徐一半悲魚頭安得壯士斡地軸爲拯斯民塗炭憂

次韻和石末公七月十五夜月蝕詩

招搖指坤月望日大月如盤海中出不知妖怪從何來恟恍
初驚天眼瞰兒童走報開戶看城角嘒鳴聲未卒蟾逃兔遁
漠無蹤璧隕珠沉一何疾丈夫愕視隘街巷婦女喧呼動圭
筭輝輝稍辨河漢沫耿耿漸明荒冢溱百官抱笏羣吏趨伐

鼓撞鉦仍設鞞赤水難令罔象求澗池莫效相如叱升簷變
閣到空曠盞掩氛稜殊靡畢廣寒桂樹劫火燼借問嫦娥有
何術今年下土困炎沴草木焦枯野蕭瑟萍號喝死龍甲歎
赤燄富襜掛萍實光芒照灼玄武爛誰復瑣瑣憐蚌鷸今夜
慝作最差異天道幽微孰能詰太陰配日宰臣象無乃常刑
多縱軼近來營壘徧宇內羽林慘澹空鐵鑽荒郊廢市何所
見夔罔蛟蛇兼蚤蝨此皆在地不在天未若蝦蟇狡而猶黃
文結鄰上訴帝賜以小戎驟牡騶剖暮洗魄還月光再起咎
繇明典秩返蟾歸兔復織阿萬古游塵避清蹕

書用前韻

虞淵浴研納歸日金樞吐月相承出初離積水看若飛稍映
微雲盼猶跌是時荐收肇視政莎雞振羽鳴蜩卒姮娥覲粧
覲玉帝坎軻中途嬰禍疾旅人苦熱愛清涼快觀光輝滿蓬
華願開寶鑑照覆盆豈擬瘴塵昏點漆隋珠慙固重革櫃和
璧嗟蒙赫韋鞞吳罡樹折不自謀織阿馬弱無人叱三足蟾
驚入坎窞八竅兔走罹且畢圍灰破暈謾傳方唇玉補凹空
著術雷公駭懼罷靈鼓湘女幽憂舍鳴瑟故老謂是蝦蟇精
潛伏姦妖營口實羲和尸位罔聞知可以人而不如鵠往歲
威弧弛其殼蛇豕陸梁誰復詰高牙大纛擁藩垣腸斷吞聲
受陵軼江淮洶湧湖浙沸骸骨成山連鬼鑽萬姓喁喁釜裏

魚白官蠶蠶禪中蠹黃茅白葦棄賢良赤紱立裳寵猗猶昊
等不變盍警畏惟德動天天有鷲况今旱魃又爲厲東作西
成不平秩安得緘辭伏閭闔 聖主如聞應駐驂

聽蛙

繞舍荒池底且鮒蟄蛙齊候鳴雷社已知地氣上如炊更覺
石泉流若瀉舉頭玉燭煥陽明跼足汗泥悲土苴半夜條風
入綺牕清晨細雨霏簷瓦梁間紫燕舞參差枝上黃鸝語悲
姦播形肖貌均有生感氣傷情孰瘖瘖初聆衙衙雜更鼓漸
聽嘈嘈成侈哆猶持堅白較同異似坐徂丘談稷下村童叫
噪聾學究悍婦勃礪喧姉姐西域胡僧彈般若齊東老生矜

炙輒逸帆觸岸靡蒹葭醉客罵筵投盞竿 叨咬誰辨騾兒哇
號若乍開竇叟囁怒牙嚼齧悸羅吞 詔言詰屈驚宜樹徒夸
楚使能詈齊未讓秦巫上詛芋堯離僂佻紛覩縷帝樂虛張
洞庭野虞夔奚暇調笙磬周瞽曷由分鄭雅旅人懷憂實無
寐遭此強聒胡爲者得非作姦謀蝕月無奈聚訟騰謔謾昔
聞周公立典教蠲氏專司鞠灰灑常疑聖人茂育物獨向微
蠹少寬假乃今知其非瑣屑欲問官司乞餘地鳳凰鸞鶯聲
苦希白雪陽春和偏寡蚊蠅蚤蝨多於沙鑽啞喑鳴紛醜覩
蝦蟇幸不含毒螫何苦呶號爭跽跬烏鳶逐響蛇聽音寧顧
入腹生癥瘕賦詩卻笑柳柳州忍使腥臊辱菹鮓

詩意集
贈道士蔣玉壺長歌

先生清如玉壺冰神閑志一精粹凝玄黃健順六子承和氣
塊北窟穢澄冲虚澹澹廓以弘冥茫沕穆怙無能火鳥入海
陰液升鶉蛇受約不敢騰束縛龍虎如寒蠅虛無黃堂帝所
憑四方上下齊鉤繩北幽羅酆對朱陵女夷鼓歌王母應瓊
宮夜半張華燈金葩碧葉紅粼粼素霞鬱滃玄雲烝沆瀣厭
滛淪泉興牽牛織女來相仍用之不減亦不增地官錫福天
官徵老蚌迸殼驪珠升太一象輿驟八鵬翼以六蜺前五騰
風輪蕭蕭生夏凌參旗九旂葭緄滕二八青蛾美目矚翠絳
交翟翔獵猶屬車九九如連繩最後雷軺子所乘流蘓勃窣
垂鏤膺編爛駁馬騶駱躡蹴霞踏霧碎綺綾天津閣道輜輳
較歸來瑤臺十二層月光照耀玻璃棚下視瀛海波濤冰龍
宮蜃窟寒兢兢歸塘暘谷清可憑鱗甲鏡瑩鱗與鮫湘妃鼓
瑟冰絲纏縱金髮玉萬穴漉琅玕風吹殷峻嶒琉璃雲母龜
貝朋琳房璧甃瑤階陞素鸞振迅霜女扔璇題瑣牕肅藹藹
洞晃矐朗眩遙瞪瘁肌砭髓魂欲殞忽然浮空墮杳曹颺馳
電耀羽脫肱天衢阻遐世網罾昏昏日月敲炎蒸句曲之山
翠礪礪楓杉檜栢楷桂朽蕲蘭杜若蕙茝琴綠岡被頰礪礪
媵大地浪井瀑練瀚萍瀕繡繪芙蓉菱鼉虬蚪千年藤纏
絡薜荔縣鬚髻敷芳發馥菲芬芳獬獬獬雌鵬蒼鷹攀援歛

詩意仙文集
碧巖導崩寒蠶蟪蛄蟬犯蟪嵐餐靄飲喧岷岷先生皮冠衣
絳繒桃枝七尺穿虺騰三茅真君共嗟稱星根絕頂時同登
黃斑黑虎陟降凭石罅甘漿溢若澗神芝吐啖如簞簞食時
動機保不薨驅斥垢瓚除痕癥眸光照座生紫稜舉觴引滿
鯨喉渠解后見之喜莫勝揚眉抵掌開蒙顛人生嘉會安得
恒靖恭正直天所杓作詩持贈匪妄譏

古歌三首

紅葵高花高以妍清晨方開夕就焉美人迢迢隔山水可望
不見心茫然花開花落日復夜惟覺新年非故年人生百歲
花一度何不作樂令人憐

舊花欲落新花好新人少年舊人老佳人見此心相憐舉觴
勸我學神仙我聞神仙亦有死但我與子不見耳祇言老彭
壽最多八百歲後還如何

雙燕雙飛入我堂銜泥養雛何太忙養得雛成却飛去雙燕
雙飛復如故東園桃李春萋萋日華烘露生紫霓一朝實熟
付人採葉枯枝折空成蹊

道士周玄初鶴林行

鶴林道士軒轅徒以鸞爲輪雷爲輿開山養鶴作騏驎上下
二儀周六虛雛成洗髓扶桑窟縞練羽毛鏐鐵骨聲飄碧落
玉清揚影拂太微雲滅沒永夜月明風滿林竹栢憂擊笙簫

音云是旌陽許縣令躡蹻佩劍來相尋靡萍西枝搖倒景借
去林間兩丹頂伐蛟北海奠玄冥斬蜃南訛封浪井上窮列
缺旁九圍却過度朔山中歸歸來贈我桃樹枝朱衣赤郭手
所持令我鞭龍扶虓虎攝縛臊魃如奴虜授我堯時松子訣
轉睛出電噓成雨鍾山秀色連冶城百花繞屋風泠泠焚香
獨坐誦真誥墜露點滴流華星土伯駿奔從號令鶴鳴聞天
空谷應寥陽寶殿歌步虛河漢當窻回斗柄嗟子衰朽雜病
攻盈顛素髮吹秋蓬空餘硬骨如瘦鶴因子致意浮丘公

送李叔允修撰致仕歸釣州

憶昔西京祖二疎都門供帳羅長衢金張許史集軒蓋彈琴
鼓瑟吹笙竽頰顏鶴髮映霄漢蒼松翠栢紅珊瑚道傍觀者
皆慨歎此士足爲天下模先生胸蟠五車書雍容進退安且
徐披香朝侍紫宸案珥筆書入承明廬引經論奏動天聽
天語親授非臚句老年謝事歸里閭召見特許兒童扶臨軒
賜膳侑金幣尚食供奉黃門趨夜來微雨清郊墟細黃漚柳
鶯相呼風吹暖烟逗白日露濕芳草畱驪駒雖無旨酒嘉穀
蔬短歌一曲聊踟躕浮雲流水無根蒂人生何者爲驩虞嵩
高少室衆美奧素石如玉泉如酥時清四野樂耕稼雉鳴麥
秀千華敷親朋會合各慰意况有令子知勞劬揮金買酒涿
聖澤怡情之外吾何須西飛鴻鴈東飛魚相思迢迢天一隅

謝靈運集
贈言有盡意不盡努力善保千金軀

松葉酒歌寄梁安宅

道人贈我松葉酒味似瓊漿色瓊玖
嚙之骨爽神魂清令我壽同金石久
我生疎嬾無所能瘦皮黏骨危陵嶒
病來啖藥猶啖水夢寐恍惚風中燈
常聞徂徠有嘉木玄醴滌濯黃露沐
上有兔絲揚翠旒下有茯苓蹲白鹿
咀華嚼葉嚙以津歲久定化腸爲筋
便從僂佺覲黃帝身騎肉角青騏驎
我欲求之百憂集滿眼蚊蠅隨出入
跋鳥箭逝織阿急日暮空瞻鄧林泣
道人此酒還有方我欲與子同徜徉
世上神仙亦何限畱侯辟穀應未晚

枯樹圖

道傍古樹身半枯白蟻穴根蟲穴膚
風摧雨撼霜雪凍
艱脆無人扶憶昔勾芒肇初政百卉騰達隨
呵噓新柯在舊柯壯霧露膏沐光如濡
黃鸝翡翠語嬌滑桑扈戴勝鳴相呼
白鶴來巢鹿止蔭匠石愕睨爭歎譽
寧知憂患生旦夕野火倏忽起不虞
燎原烈焰難嚮邇孰問柞櫟朽與櫛
枝燼盡燼根半赤朽腐瞞液非時須
山林搖落歲方晏聊以薜荔爲衣裯
嗚呼廣廈棟梁具委棄草莽同新藪
皇天未必替生意更盼玉燭回腸烏

正月十五夜燈花大開

燈花如管紅且綠燈花有意憐幽獨夜寒衾冷漏聲遲卧看
瓊枝綻金粟涼蟾入戶四壁空地爐宿火天無風祥烟抱日
麗碧落躡龍吐珠歛紫虹人言此花專報喜勞生短髮絲垂
耳无望之福非所希無事惱懷吾足矣呼童添油引良夜九
衢燈月光相射漫沾濁酒餉離魂豈必忘憂惟樹萱

爲韓克銘題画石鼎聯句圖

軒轅道士軒轅孫昔隨飛龍陟峴崙乘騎六氣遊乾坤上窮
混沌無涯門下挾若木扶桑根旋雷舞霓訛晨昏批蹴虎豹
號帝閭槌擊河鼓牛騰騫摘虹織輝絢澤原三足老鳥不敢
瞰迷離缺兔駭且奔羲和顛號訴至尊謫降下土營丘樊結
喉長頸古貌存如鶴如鵠如龍蜿詒屈不作人間言涕唾落
地生蘭蓀驅叱碣石歸河源蜚廉屏翳雙挾幡擊振象齒愁
育賁山玄水蒼琮琥離羅璀璨輝燭燉笙鏞琴瑟篪與壎
五音翕繹珠瀉盆吹爲栗烈呵爲暄撲扶罔象笞鼉龍饑鱉
辟易徙厥屯束縛慘魍魎魂秉畀赤郭充朝飧妙用歛忽
無畱痕嗟哉二子爾曷寃如井谷鮒當化鯢嚶嚶草蟲呼阜
螿欲與螻蛄語涼溫不知風霆掣墻藩江騰海躍喬嶽翻鬼
物喘汗相濡歎爽靈漂搖失所躄敞克夢寐精魄偕低頭拜
伏讐再論陽春二月花滿園掩關獨坐辭詩暄按圖索意聊
滌煩羨君軒轅之後昆浩歌一曲期勿謏

寄贈懷渭上人

老僧懷渭字清遠，習蟠文史三千卷。雪晴太白玉爲峰，月出藍田金作燄。少年挾策走四方，要看蓬萊水清淺。燕山帝京龍象會，璿臺寶林發關鍵。橫空鵬鶚傲高秋，縱轡驂驢逸三坂。販龐眉老宿，皆震驚觀者解頤陪。者赧奎章學士虞，那菴三惜稱誇枯舌本。連床笑語到晨雞，走筆贈言何款悃。轉頭言兩四十年萬事茫茫不堪付，江湖簸浪客舟寒。地爐宿火房爇我來邂逅一見之，憶曾相識嗟成諼。世士如公良，方外只今還有限。我如野馬貫藪澤，絡以羈馱知必踰。耗菴百事違况俾三廬宅，愁眼甚欲歸依白蓮宇。非力墾，寄言聊復寫中懷。白石清泉猶未晚。

金碧山水圖

武陵桃源今有無，展畫渾如夢中見。青螺作山綃作雲，白蒼茫暖芳甸。雄梁跨壑矯修虹，走瀑懸崖激飛電。紫鳳宿梧樹枝青，雛曉啄桃花片。鳥啼長是豔陽時，草色寧隨霜變。衣冠尚存周典則，租稅不輸秦郡縣。山中肉芝美堪食，底石泉清可嚙安。得此地結茅屋，寄書漫託雙飛燕。

雪晴偶興因以成篇

玄雲四垂天黯黹，大野蒼茫飛雪糝。北風刮面利如刀，海昏昏迷遠覽若華東。光封密霧北屋無烟色，悽慘天姥沈陰。

禹穴閉扶胥海濤渾不撼愁埋朱鳳入杳冥凍縮赤蛟深坎
窞猿飲哀號咽巖谷鴻鴈驚啼亂葭菼壯士金戈鏑鏘凌將
軍玉帳旌旗驂師徒百萬盡熊羆幕下從官皆燕頤馬蹄蹶
蹋坤軸震夜半入蔡何人敢蒼山野客拙且懶旅舍蕭條坐
無毯頑童汲井十指直稚子敲冰兩髦髡今朝出日照梁棟
樓外遠山皆齒蒼初驚急溜瀉源泉漸看縣澗掛旒纒那無
美酒洗胃臆空有新詩吐肝膽先人敝廬松栢在墻角早梅
應可擘蝮蛇張鱗虎掉尾平地倏忽成窟掩藩闕官曹厚祿
食忍以黔黎爲醢醢天民日望天愛憐破瓦頽垣最悲憫農
家齊仰二麥成且喜土膏滋九坎清晨樹上啼布穀柳下碧
波漪澹澹安得扁舟泛五湖莫使中心攢百感

題羣龍圖

世間萬類皆可觀茫昧獨有鬼與龍此圖畫龍二十四狀貌
詭譎各不同得非物產有異種或曰神變無常蹤一龍撻尾
欲上木足爪猶在齋坛中一龍出穴飲澗底頭上飛瀑瀉白
虹前有一龍已在雲顧視厥子揚雙瞳浪波魚鱗脊銜繡日
車塊北天無風中庭兩龍忽相逢須眉葩髻如老翁便欲角
觝爭雌雄西望積石接崆峒白龍擘石窺流深河伯遠遁虛
其宮屈蟠睡者何龍鍾老物用亢時當終峽外六龍獬以覓
矜牙舞爪赴戰攻敲鱗嚼甲含劍鋒陷胸折尾波血紅之死

弗悟人誰恫一龍引吭將欲從迴環雖肝未敢通最後一龍
藏於控睥睨勝敗非愚蒙無乃有意收全功雲中弄珠勞爾
躬不如卧沙之從容龍子學飛力未充母在下視心憧憧何
物一角額準隆觚然出洞若蛇蟲有龍接之自龍從恐是章
穴王鮪公皮骨始蛻形猶蒙兩龍歸來倦不狎癡龍攀三身
已靡蚴蚪偃蹇歛騰衝蛩蟪攫躍鬣髮茸呿呀奔拳曲如弓
百態並作何紛靡是耶非耶孰能窮畫師昔有僧繇工畫令
真龍下虛空安得伶倫截竹筒吹之呼龍出石罅使我一覽
開昏曹

爲丘彥良題牧谿和尚千鴈圖

往時惠崇画蘆鴈對之如在江湖游只今此圖又精妙守右
千里瀟湘秋乃并守屠性多巧意匠不與凡夫儔吳松江長
具區闊天日虎丘青一髮西風九月秔稻黃朔鴈飛來翼在
憂農夫苦飢鴈獨飽此意画師應識察近者分明辨羽毛遠
者縹緲瞻秋毫或乘飄風入烟霄或翳落日沉隍濠起如蓬
侯布八陣集如萬舞回旌旄眠沙卧草鳴且翔喋呷藻荇蓬
蓬蒿禾空穗盡却歸去紫塞漠漠春雲高我家南山隈蒼翠
鳴飛不到川路永深林大谷蛇豕盛愁向他鄉撫虛景人言
鴻鴈比弟兄我有兄弟隔兩城題詩卷画謝客去無使感愴
傷中情

雨中寄用章上人

月盈復魄已過五不見白日長見雨美人娟娟隔巷陌會面
不得徒延佇若邪當門泉湧礎仲蔚蓬蒿塞環堵陰風向人
作秋氣芳草日夕成宿莽玄圭上天禹穴閉倉水使者今何
許玉京羣仙翳煙霧弱水西流隔玄圃女夷鼓歌不自覺朱
鳳翅濕那能舉自從干戈起淮甸天下無處無豺虎徵歛頻
煩轉輸急更有何鄉爲樂土翳桑餓人誰復數思家遠客空
悽楚半生身世付浮雲獨立看雲百憂聚晚來天南橫絳虹
雨勢未已愁雷公井蛙谷鮒俱得意汜濫潢潦登穹隆方外
文章誰最好後有嬾公前笑老裁詩忽漫寄中情萬事茫茫

聽蒼昊

玉澗和尚西湖圖

大江之南風景殊杭州西湖天下無浮光吐景十里外疊嶂
湧出青芙蓉百年王氣散荆棘惟有歌舞畱歡娛重樓峻閣
競鉛黛媚柳嬌花使人愛老僧不善兒女情故作獬豪見真
態想其泚筆欲画時高視画工如小兒千巖萬壑吾意匠今
娥巨靈吾指麾却憶往年秋雨夕画舫衝烟度空碧蒼茫不
辨雲與山但覺微風響蘆荻須臾冷月迸深霧時見松杉半
昏黑開尊命客彈焦桐扣舷大笑驚海童鮫人唱歌魚鼈應
水底影動雙高峰只今倏忽成老翁可憐此樂難再逢愁來

看画欲自適誰知感生愁轉劇

顧周道山水圖

憶昔晉時顧虎頭能画聲名塞穹昊千載而下繼者誰君之
耳孫字周道江南山連滄海島水遠山長愁絕倒興來走筆
如有神濃抹淡粧無不好前峰倚天自太古知是天台是
姥烟開浪波搖浦漵草滿江洲樹如羽山廻兩崖夾幽谷小
橋俯映菰蒲綠扁舟何處覓鱸魚滄浪水寒空濯足柳邊
石明素沙茅廬似是陶公家衡門晝掩雞犬寂誰人共
賞金花我屋雙溪松栢裏清泉皎潔無泥滓鳳皇不來
鷹隼逝白日鷓鴣嘯桑梓華表柱頭丁令威風塵瀕洞何
當感靈符對景重回首不知人民今是非

題富好禮所畜村樂園

我昔住在南山頭連山下帶清溪幽山巔出泉宜種稻
盡是良田疇家家種田耻商販有足懶踏縣與州西風八月
淋潦盡稻穗櫛比無蝗蝻黃雞長大白鴨重瓦甕瓠
蒟芋魁如拳栗殼赤獻罷地主還相酬東鄰西舍迭賓
幼合坐意綢繆山花野葉插巾帽竹筍漆椀兼羹甌酒酣
笑雜語話跪拜交錯禮數稠或起頓足舞侏儒或坐拍手歌
甌篋傾盆倒榼混醢醬爛熳沾漬方未休兒童跳躍助誼
執楯逐走同俘囚出門不記舍前路顛倒扶掖迷去畱朝陽

言意何身
照屋且熟睡官府亦簡少所求寧知宴安含醜毒未却一變
成戈矛高門大宅化灰燼蓬蒿瓦礫塞道周春燕營巢在林
木深山露宿隨猿猴三年避亂客異縣側身天地如浮漚親
朋阻隔童僕散疏食水飲不自謀有時恟悅夢閭里驚覺五
內攢百憂君家畫圖稱絕妙鑒別曾遇柯丹丘想應臨榻出
秘府筆意精到世罕儔村歌社舞自真率何用廣樂張公侯
太平氣象忽在眼令我感愴涕淚流近者鄉人來報喜今歲
高下俱有秋豺狼食飽卧窟穴軍師已運招安籌人情自古
共懷土况乃霜雨淒松楸神龜且被豫且困予所弗念天我
尤積薪厝火非遠計誰能獻納陳嘉猷長江波浪接淮泗白
日慘澹騰蛟虬天下農夫總供給隴畝不得安鋤耰市中
物貴百倍一豕之價過於牛魚菹菜菓悉賣米官幣束閣若
贅瘤朝餐僅了愁夕膳誰復有酒澆其喉循環天運往必復
邪氣斃至不遠瘳此生此景須再覩引領悵望心悠悠

題湘湖圖

君山洞庭隔江水彭蠡無風波浪起明窓曉晴圖画開興入
湘湖三百里湘江兩岸山縱橫湘湖碧繞越王城越王城荒
陵谷在古樹落日長煙平游子天寒孤棹遠七十二谿飛雪
滿浩歌不見濯纓人沙鶴野猿相對晚湖東雲氣通蓬萊我
欲從之歸去來蛟鼉塞川陸有虎兩臂無翼令心哀

爲啓初門和尚題山水圖

天下名山隨處有，畫圖流傳亦良久。祇園道人展橫幅，觀者稱誇同一口。蒼梧九疑高，揮天卷而懷之不盈手。巨靈驚呼盤古怒，地軸塊九昆侖剖。太陽出海開，杳冥嶰冢岷峨大如斗。華軒無人清晝閑，恍然置我匡廬間。金輪迴出牛女上，遠近羅列千雲鬟。江花野竹青錦斑，嵌巖斷石蛟鼉顏。胸盤谷轉絕徑路，但見湖水迴瓊環。白沙洲暖春風起，南浦掛帆北船艤。吳波不盡芳草外，楚岫半入長烟裏。夜深小龍行雨歸，宮亭月落彭郎磯。旌陽步虛盧老和雜佩，散作虹蜺飛百羊。塵世真夢寐，回首旌旗寒。天地舊游何處成，渺茫一曲

數行淚青丘弱水迷方壺，武陵桃源今有無。瑤臺三島消息斷，安得羽翼歸清都。

題趙學士松圖

白塔

趙公拈筆作古松，平地躍出三青龍。蜿蜒不上霄漢去，爽颯長雷烟雨濃。前朝美人鬪草處，猶有當時數株樹。江亭六月涼如秋，應與此圖相對愁。

題李陵見蘓武圖

中原無書羝不乳，狐裘蒙茸奈何許。老身漢節死生俱，地角天涯見明主。金鞍駿馬空故人，相看一笑增悲辛。悲來風沙吹上馬，河水東流日西下。

空一作吾

雪鶴篇贈詹同文

有鶴有鶴丁令威碧玉爲骨玄霜衣層城十二身所依千年
伐毛一度歸洗髓織女黃姑磯瑤臺雪花大十圍食之神爽
肉不肥乘風振羽芳菲菲丹砂結頂燁有輝咳唾璀璨生珠
璣朝遊明星夕大隗騰光躡景超巍巍膝六駟乘虹蜺駢莖
宮仙娥項帝妃鎔雲鍊雨成瓊歲眩晃晝奪扶桑輝離眸閃
爍不可睇回焱縱縱翼縞旂白虎穀鯨良厥腓鸞鷁鳥鴻鶉
鵠翬鷺鸚鵡鵲鷲與鴝局促縮胸潛喙崎惟有皓鶴從之飛
竦翮夜過東皇畿玲瓏琪樹憂金徽砉然長鳴驚海圻海波
噴作煙霧霏馬銜罔象蹲若躡鯢鯨天矯相嘘唏銀河腹堅

膠蜃絺王母桃花凍不緋五色石裂女媧謔祝融上訴開九
扉帝命養之青鎖闥賜以沆瀣憐其飢朝朝暮暮朝太微翅
翎披拂天香辭北斗粲爛星依稀翠輶抱日露未晞圓肱修
趾逸且頡蹠蹠蹈舞霍以揮散仙引領空相希嗟哉清峻天
下稀勿歎遼東城郭非桂華宵窪甘露澄味美遠勝商山微
擷英爲羞堪咀噉比之琅玕亦庶幾盤空硬語去脂韋歌以
贈君君莫譏

贈杜安道

憶昔天兵伐荆楚卍艦蔽江齊萬櫓譟聲激烈似雷霆猛氣
魚然震貔虎拔柵皖城猶俯拾探穴九江無險阻明年大戰

康邸下日月，坎北相吞吐。馮夷蹋浪羣，水飛巨鼈掉首三山舞。雲隨太乙擁鋒旗，鼉爲豐隆作靈鼓。將軍金甲箭攢蝟，戰士鐵衣汗流雨。火龍燼燄絳天衢，燧象尾烟煎地府。鯨鯢旣剪攬，搶落草木熙陽魚。出谷當時從臣皆，俊良近侍共推徐。與杜或操陳子之刀，鑷或負伊公之鼎俎。艱難出入矢石下，鞠躬盡力無摧阻。夙興夜寐事一人，小心不貳。帝臨女只今四海同車軌，葑菲罔遺遵往古。瓊琚赤芾邁鸞行，鞍馬祿食光門戶。天雞一聲金闕啓，龍顏有喜常先覩。顧我愚疎憂患集，病骨峻嶒蒸溽暑。興來懷舊倚長歌，星星兩鬢絲千縷。大師誠意伯劉文成公集卷之十四終

大師誠意伯劉文成公集卷之十五

芝田令新陽後學萬里續梓裔孫標男宗燧編

五言律詩

旱天多雨意五首呈石末公

旱天多雨意，雲日氣恒陰。草木焦枯盡，蛟龍伏匿深。移家愁地蹙，經國恨年侵。已矣商巖叟，無人解作霖。

旱天多雨意，炎夏已清秋。虛牝空蒸鬱，高圓迥獨浮。下田應脯蚌，深樹且鳴鳩。向夕星河影，稀疎恰近樓。

旱天多雨意，散漫起重陰。漸變峰巒狀，還摛錦繡文。龍應愁病暍，鳥亦念將焚。碧落高無極，人間叫不聞。

詩集
旱天多雨意炎燎發洪爐事急徒號梗謀窮漫曝巫王征愆
節制民望失來蘓原隰看如赭哀今鹵掠無

旱天多雨意雲起旋隨風澤氣沉沙白山嵐過野紅乾坤愁
夢裏日月戰塵中漫說生生理如何亦有窮

次韻和石末公旱天多雨意五首

旱天多雨意雲合又還晴苦熱連三伏微涼入五更青山黃
葉遍白水紫烟生旦夕霞標起依稀對赤城

旱天多雨意霞起衆山光日月躔陽道雷靈伏大荒躍淵無
黑蜮在牧有夷羊萬室俱如燬何人尚閔危

旱天多雨意一望百憂侵海沸羲和日山藏傳詭霖南河那
可決北斗不能斟歎息還搔首清商已滿林

旱天多雨意悽惻望鉤陳哀顛何時達愁眉盡日擗乾坤三
島浪歲月兩淮塵莫問和調事嗚呼吠畝人

旱天多雨意陰電繞空湫暴客馮高壘良農死桑丘干戈猶
未息災沴復何尤軫望成衰疾那堪數倚樓

憂懷

傷離驚歲晏引望起愁端落日烟中小孤雲雪外寒浮生無
限恨垂老異鄉看掩淚觀梅葢中心分外酸

感歎

聞說蘓州破倉皇問故人死生俱可悼吾道一何屯北去應

訪意伯文集
無路南藩自此貧淒涼轉蓬客淚盡浙江濱

題鑑湖送別圖

曲岸扁舟艤澄湖祖帳開雲生秦帝碣雨映越王臺荷氣清
瑤席波光灩玉盃情深不忍別欲去更徘徊

次韻和王文明雨中雜興四首

積雨累十日平湖添半篙風連箕畢動雲傍斗牛高水鶴巢
林木池魚上野蒿農人愁餓葦採擷到溪毛

白日迷陰陸濃雲沒大荒雨深筠箨潤風度葛衣涼虎豹歸
林濕魚龍赴壑長波濤渺清落悽惻解鳴璫

濕雲看欲薄陰氣未全收日月昏昏見龍鱗頰頰浮虛簷

盼蠻壤壁湧蜉蝣幽獨無人問含情謾上樓

青冥不可見朱夏已無多雲木光浮沒川原氣盪磨荒蕪
將略浩汗五湖波去去滄浪水君聽鼓枻歌

題太公釣渭圖

璇室羣酣夜璜溪獨釣時浮雲看富貴流水澹鬚眉偶應非
熊兆尊爲帝者師軒裳如固有千載起人思

稽句類

白日隱巖磬干崖氣勢豪溪流婺女關山入少微高危石天
欹側長風谷怒號干戈方自此行役敢辭勞

淳安舟中遇雨遣悶二首

一夜青山雨平明黃濁喧亂流翻地軸高響落雲根鍛羽投
林鳥啼飢抱樹猿羈懷正愁絕感物重銷魂

溪雨細如霧北風長夏寒汗池不赴壑井谷自成湍蘭茝馨
香盡魚龍世界寬斜陽在林樹時復捲蓬看

丙戌歲將赴京師途中送徐明德歸鎮江

疲馬懷空櫪征衣怯路塵那堪遠游子復送欲歸人月滿西

津夜花明北固春論文應有日話別莫悲辛

過南望時守閘不得行

客路三千里舟行二月餘壯顏隨日減衰髮受風疎蔓草須

句國浮雲少吳墟愁心如沒水蕩漾遠青徐

發景州

澹澹夕風作蕭蕭蘆葉鳴林間衆鳥息河上一舟行海近雲
常濕天虛月更清神京看漸近且緩望鄉情

泛海詠霧

海上苦多霧北風吹更長纔交積水氣已翳太陽光淺亂洲
渚色深迷鴻鴈行神姦馮出入君子慎周防

殺氣

殺氣乾坤黑陰氛日月黃已成心曲亂不復髮毛蒼夜哭城
笳裏朝烟野戍傍扶傾無郭李何地尚畊桑

遣興二首

白日下西岑空庭生夕陰郊原過雨色鍾梵隔墻音有感憂
思積無能老病深露從河漢落不覺滿衣襟
月是今宵滿花從昨夜開看花嗟寂寞對月且徘徊白髮添
無數青春去不回莫思人隔世聊樂酒盈盃

四月十二日發揚州

幾見明月滿猶嗟行路難時平耻無用身賤敢偷安天地山
河闊風沙道路寒旅人元有淚不必雍門彈

濟州太白樓

小徑迂行客危樓舍酒星河分洗水碧天倚嶧山青昭代空
文藻斯人竟斷萍登臨無賀老誰與共忘形

送僧家奴叅政赴河東宣慰使二首

雲中形勝地關塞接天長白草連沙漠黃河入晉陽老臣持
節鉞大闢壯金湯昭代思賢佐須公在廟堂

大闢諸藩上元戎朔漠間天低馬邑塞河入鴈門關落日旌
旗靜高風堡障閑旬宣推碩望喜色動龍顏

送人赴德清稅

鏡湖木葉落震澤水波生鳧鴈衝人起笙歌送客行鹽津魚
罟集桑屋繭絲明王稅隨時足吟哦待太平

題釣雪圖

雪暗洲渚白江清蒲柳寒悠揚雙短棹汗漫一魚竿忽憶滄

浪曲因悲行路難
蛟鼉正驕恣還爲爾長歎

將曉

愁夢不更續
寒天將欲明
雪風吹海樹
霜月凜江城
衰病丹心在
艱虞素髮盈
殷勤東注水
渺渺若爲情

不寐

不寐月當戶
起行風滿天
山河青靄裏
刁斗白雲邊
避世懸商綺
匡時愧魯連
徘徊懷往事
惻愴感衰年

秋感

老病偏多感
宵長晝亦長
衣冠方謝暑
枕席已驚涼
往事鑄心在
新知過眼忘
籬邊舊栽菊
歲晚爲誰黃

秋興

大淨山月出水寒
沙鳥鳴孤燈
秋後思短笛
夜深情江海
空衰髮
乾坤未弭兵
清都隔河漢
訶禁有開明

晚思

返照吳山外
歸雲越水頭
寧捐白羽扇
却着黑貂裘
草暖見鷺渚
波香杜若洲
艱難愧生事
汗漫想扁舟

望孤山作

曉日千山赤
寒烟一島青
羈心霜下草
生態水中萍
黃屋迷襄野
蒼梧隔洞庭
空將垂老淚
灑恨到滄溟

青絲馬

蹀躞青絲馬艱難赤伏符窮陰歲欲暮落日鬼相呼見鴈愁
心裂看天淚眼枯殷勤夜深月還照旅魂孤

十二月一日

耿耿夜不寐源源憂思來歲餘三十日腸定九千回江響風
初發天昏月未開白頭真合得非是楚猿哀

古戍

古戍連山火新城殷地笳九州猶虎豹四海未桑麻天迴雲
垂草江空雪覆沙野梅燒不盡時見兩三花

客路

客路秋風裏扁舟夕照時渚鴻魚復陣江樹井陘旗衰朽嗟

誰與憑蒙荷

帝慈山中牧羊子歲莫爾相期

逢熊文彥二首

相離已隔世相會豈忘情識面非觀貌知心只記名夕陽荒
野闊秋水大江平往事無勞問空令萬感生

憶昔相逢處湖山錦綉春筦絃喧夾巷花柳隘通津離別人
非故推移物自新愁來重回首涕淚下霑巾

五言長律

錢唐懷古得吳字

澤國繁華地前朝舊此都青山彌白粵白水入三吳良嶽銷

土氣坤靈肇帝圖。兩宮千里恨九子。一身孤設險馮天。壅倫
安負海隅雲霞行。殿起荆棘寢園蕪。幣帛敦和議。弓刀抑武
夫。但聞當宁奏。不見立庭呼。鬼蜮昭華袞。忠良賜屬鏤。何勞
問社稷。且自作歡娛。杭稻來吳會。魚龍出其區。至尊魏北闕。
多士樂西湖。鷓首馳文舫。龍鱗舞繡襦。暖波搖襞積。涼月浸
氍毹。紫桂秋風老。紅蓮曉露濡。巨螯擎擁劍。香飯漉離胡。螭
角乾坤大。鼉頭氣勢殊。秦庭迷指鹿。周室嘆瞻烏。玉馬違京
輦。銅駝躑路衢。含谷天地廣。養育羽毛俱。橘柚馳包貢。塗泥
賦上腴。斷犀埋越棘。照乘走隋珠。弔古江山在。懷今歲月逾。
鯨鯢空渤海。歌詠已唐虞。鳴華愁何極。羊裘釣不迂。征鴻暮

南去回首憶尊鱸

太師誠意伯劉文成公集卷之十五終

謝
處
伯
蘇
集

